



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **30-663-71/22**

Sarajevo, 14.7.2022. godine

Int. br. nabavke: **30-51-28/22**

Na osnovu člana 69. stav (2), tačka e) i člana 70. stavovi (1),(4) i (6) Zakona o javnim nabavkama BiH (Službeni glasnik BiH, broj: 39/14), i člana 47. Statuta Agencije za vodno područje rijeke Save, Sarajevo, donosim

ODLUKU

**o poništenju postupka javne nabavke radova: "Obezbjedenje proticajnog profila korita rijeke Željeznice, općina Trnovo",
Otvoreni postupak
Obavještenje o nabavci br .: 1132-1-3-72-3-49/22**

Član 1.

Poništava se postupak javne nabavke radova: "**Obezbjedenje proticajnog profila korita rijeke Željeznice, općina Trnovo**", zbog toga što su cijene svih prihvatljivih ponuda znatno veće od osiguranih sredstava za predmetnu nabavku.

Član 2.

Za izvršenje ove odluke zadužuje se **Sektor za realizaciju projekata** Agencije za vodno područje rijeke Save, Sarajevo.

Član 3.

Ova odluka će se objaviti na web-stranici www.voda.ba.

Član 4.

Ova odluka stupa na snagu danom donošenja.

Obrazloženje

Aktom broj 02-11-3906 od 12.11.2021. godine općina Trnovo se obratila AVP Sava sa zahtjevom za obezbjeđenje finansijskih sredstava neophodnih za hitne intervencije na obezbjeđenju proticajnog profila korita rijeke Željeznice u Trnovu. Tokom polavnog vala koji se desio u prvoj sedmici novembra 2021. godine rijeke Željeznice se izlila cijelim tokom koji prolazi općinom Trnovo, od izvora u Godinji do brane Bogatići. Sprudovi, sitno rastinje i drveće izraslo u samom koritu su doprinjeli da dođe do izljevanja na velikom prostoru jer su bili brana protoku vode. Izljevanje vode je nanijelo velike štete na privrednim i stambenim objektima. Zbog nedovoljnog kapaciteta riječnog korita, uz mjestimično niske obale, obraslosti korita i većeg nanosa, te stvorenih otoka i ada u koritu, što sve skupa povećava otpor tečenju, pri nailasku velikih voda dolazi do plavljenja okolnog zemljišta, naselja, infrastrukturnih objekata, kao i dodatne devastacije korita i obala. Područje na kome se radi navedeni zahvat je od strateškog značaja za dalji razvoj općine Trnovo i na tom području se planiraju značajna ulaganja u izgradnju industrijskih objekata, komunalne infrastrukture i razvoja poljoprivrede koja je trenutnim stanjem bez adekvatne zaštite od plavljenja dobrim dijelom neupotrebljivo, te je interes općine za što bržom i kvalitetnijom realizacijom navedenog projekta jako izražen. Agencija je izradila projekat obezbjeđenja proticajnog profila rijeke Željeznice na području općine Trnovo koji je pokazao da je za njegovu realizaciju neophodno 350.000,00 KM. Agencija je općini Trnovo u decembru 2021. godine prebacila iznos od 150.000,00 KM kao namjenski prenos za hitne intervencije, a preostali radovi su planirani za 2022. godinu. Aktom broje 02-11-611 od 18.02.2022. godine općina Trnovo je ponovo tražila 200.000,00 KM kako bi mogla završiti sve projektom planirane radove.

Komisija je predložila Ugovornom organu da se postupak javne nabavke radova "Obezbjeđenje proticajnog profila korita rijeke Željeznice, općina Trnovo" poništi, jer je cijena jedine prihvatljive i dospjele ponude znatno veća od osiguranih sredstava za predmetnu nabavku.

Na osnovu navedenog, a zbog toga što su cijene svih prihvatljivih ponuda znatno veće od osiguranih sredstava za predmetnu nabavku, odlučeno je kao u dispozitivu.

PRAVNA POUKA:

Učesnik u postupku, koji nije zadovoljan ovom odlukom, može u roku od 10 (deset) dana od dana prijema ove odluke izjaviti žalbu zbog povrede odredaba Zakona o javnim nabavkama.

Žalba se podnosi u najmanje 3 primjerka Agenciji za vodno područje rijeke Save, Sarajevo. Žalilac je obavezan platiti naknadu za pokretanje žalbenog postupka u iznosu od 2.000,00 KM (član 108. stav (1) tačka c) Zakona o javnim nabavkama BiH).

Dostaviti:

- Ponuđačima
- Sektor za ekonomske, pravne i opšte poslove
- Sektor za realizaciju projekata
- a/a



DIREKTOR

Sejad Delić
Sejad Delić, dipl.inž.